

齊河縣志卷之二十六

孝義志

經云教民親愛莫善於孝教民禮順莫善於悌政教之原孝弟其首重與顧明發有懷本於天性彼立身行道忠順不失者固足尙矣至於茅簷蔀屋未詠蓼莪之篇而至性纏綿有非用力用勞所克逮者國人稱願然曰幸哉有子如此可謂孝矣豈非彝好攸同而性情之感通至捷哉若夫樂善好施敦仁遷義崇任卹之風廣推解之惠本此仁愛之心相推暨於無盡故人不獨親其親不獨子其子於以覘孝弟之發諸朝廷行乎道路至乎州巷而政不肅而成教不嚴而治矣作孝義志

齊河縣志

卷之二十六

孝行

孝行

張涓

慕義好施金明昌五年詔復之終身仍著於令

王從禮

字公義樂善好施嘗以己資建廟學一所仍捨田三百

餘畝以供春秋祭祀師生廩膳之用凡朔望必集鄉耆儒士拜廟講書未嘗少懈元至正間歲歉以納貲授敦武校尉富國場鹽司令有學士張起巖記其事

朱銳

字文威中成化癸卯鄉試任知州母早卒父玉任曲陽

知縣成化年致仕卒於家銳哀毀肯立葬祭一依古禮廬於墓側朝夕哭奠日負土於墳三年坑深丈餘知縣趙清爲之立石題曰朱孝塘

趙維魚

少孤貧聰穎特達篤學力行事母菽水承歡曲盡敬愛比母歿哀毀不食幾致傷生築墳高如邱陵人稱純孝焉舉戊午鄉試第二人登甲戌進士授河南儀封知縣未之任卒於家才猷未試壽不償德人咸惜之

侯承恩

父仲舉任陝西通渭縣典史值賊騎掠境劫財仲舉往剿之戰敗被擒承恩後至卽奮力擊賊救父逃走未幾賊騎復合圍獲承恩碎磔焉撫按交章奏卹立祠於神仙嶺山東督學鄒公聞而嘉之題忠孝傳家四字於其門

馬朝才

制行端方賦性孝友父歿廬墓三年朝夕不懈至兄弟

齊河縣志

卷之二十六

孝行

一一

濟南中西美術印刷社承印

異爨又讓產不取時出己物以濟其不給崇禎間授冠帶院司匾其門曰純孝又曰孝友樹聲清順治十年奉旨建坊旌之

張天質

本邑鐵工也居城北關凡有時物異味必購買之屏子女奉養父母有司嘉之屢匾其門曰純孝

秦著

邑順和鄉人歲饑嘗捐粟千石以賑貧民有司奉旨立石紀其事

翟艾

邑仁和鄉人歲饑捐米五百石以賑饑民有司奉旨立石表其義成化十年再出粟賑饑例授冠帶

李從教

募修聖廟補葺橋梁以濟人利物爲心至老不倦邑稱

善人焉順治間有司以其事聞院司區其門

以上十人雍正四年俱奉旨准入忠孝祠春秋致祭

郝從誨

庠生恬之子監生考授州同知性至孝母高氏壽臻百齡雍正九年奉旨建坊從誨奉侍起居色養備至嘗奉母命捐地十畝於普濟堂以養貧民邑令上官公給匾曰又一老萊人以爲不愧云乾隆間入忠孝祠

劉養訥

監生琳之子增生善承庭訓曾隨父捐金倡修大清橋讀書稽古崇尚氣節國初土寇攻城率衆禦守遂至隕命人甚哀之子源長教育幼弟俱克成立且好善樂施捐修學宮廟廡以及橋梁義塚孫祖武爲諸生不失祖

齊河縣志

卷之二十六

孝行

三

濟南中西美術印刷社承印

父家風其累世義行有足多者

劉端

孫耿鎮人年十三羣盜劫其家縛其父劉福來兄劉盛毒加拷打端聞聲驚寤赤身持木叉奮力排擊且詐作招呼衆人狀賊衆驚撓一賊用鐵棍擊端中額顱連及眉心三日而殂時雍正五年二月閒事也後獲賊擬罪決三人流四人以孩童而能擊賊救親孝勇兼至而致隕其身傷哉

馬綿祿

字君福孝子朝才會孫也贈承德郎累贈中憲大夫祖父皆列泮庠忠厚傳家綿祿天性孝友侍父兄前恭順備至居喪盡禮不留餘悔與人藹若春風樂易好施康

熙癸未邑被水穀值騰湧綿祿出所儲減價以糶全活甚衆庚寅捐修學宮及奎樓易朽以新邑西北段家橋久廢鳩工重修行人便之他若戚里族黨貧而喪不能歛葬及婚嫁失時者傾貲相周無吝色子四人紹堯貢生紹舜監生候選州同紹文鳳陽通判紹孔監生候選州同

李同高

性寬厚好義樂施康熙九年早出已貲百金代闔莊窮無力者完納錢糧人甚賴之又捐貲修倪倫河石橋以利行旅孫昇庠生端方謹厚遊其門者多所成就曾孫得預壬子鄉薦人皆以爲忠厚之報

齊河縣志

卷之二十六

孝行

四

濟南中西美術印刷社承印

戴乾

未冠補諸生性孝友親嘗欲食生魚值盛暑趨赴河畔見漁人網得巨魚重貲買之行數十里魚猶生人皆異之謂有王祥風同母弟元甫數齡即失恃乾飲食起居必與俱教誨之使爲諸生事庶祖母柳氏備極孝養柳年八十七猶無恙及卒乾哭之慟同日終鄉里傷之時乾有四子賴弟元教誨多所成就存理庚子副榜子秉笏甲寅拔貢餘亦多列庠序者邑令上官公匾其門曰德星聚識者以爲不愧云

駱珍

歲貢生賦性純孝侍父湯藥衣不解帶者累月嘗赴院試聞母病馳歸省視性樂施予凡無力婚娶及貧難殯

葬者隨所見聞傾貲相助嘗買使女見其父母哭泣不忍分離遂令領回不索原價如是者三又還典地賑饑民樂善不倦人稱曰駱佛平生爲學以實行自最不務詞華訓子修德讀書子在庠者三食餼者三長子希聖嘗捐銀兩於普濟堂蓋本於好施家教云

劉 玠

貢生父之俊玠事之先意承志長兄炯早卒父母痛之玠請以其子永思爲之嗣好義樂施鄉里親黨貧不能葬者多給以棺木雍正十年捐貲修學宮又捐宅基一所地三十畝於普濟堂以養貧民督院王公給匾曰慕義足風爲人雍和無崖岸構別業於城南四里莊臨玉符河之湄因名曰玉符園曲徑邃室列柏爲牆翛然有塵外致

齊河縣志

卷之二十六

孝行

五

清南中西美印局印

房韞曇

巡撫守士玄孫舉貢友箕子歲貢生早承庭訓攻苦硯席從遊者多成就常以館穀所餘施糜粥助棺葬爲人坦白端方不妄動不濫交遇事能忍未嘗與人訟居城六十餘年非公事不見邑宰猶有澹臺之風焉子四人象寧象隆象成象渠俱列膠庠

馬綿祚

字介石父病癱湯藥飲食皆親奉待十年不倦旣游泮讀書於鄉鄉有爭者善言以解咸冰釋無訟於庭者嘗製豆籩八桌置文廟中供春秋祭祀復建文昌閣於華

店以勸學者有直隸人程敬海貿易於齊遺三十金綿祚拾之訪得其人悉舉以畀其捐金以助婚葬施藥以濟疾病如此類者尙多蓋積德好善人也邑令薛公吳公前後給匾旌之

王室輔

康熙庚午舉人司教滋陽修聖廟奎樓及鄉賢名宦等祠門牆桃李如喬世臣龔瑜董淑昌皆一時名士陞青州府教授樂器禮器留心整飭年六十九卒於任

王道光

副使宮鑠次子以貢生任濮州訓導學問淵通知縣藍奮興修縣志延道光總其事知縣郭昂禮請鄉飲子基監生好義樂施康熙己巳水汜溢大清橋壞第三洞基

齊河縣志

卷之二十六

孝行

六

濟南中西美術印刷社承印

鳩工補葺橋賴以固基子廣嗣歲貢生祖母壽臻百齡穆司農給以匾日期頤遐齡廣嗣奉事維謹又嘗助修學宮見於碑記蓋三世皆好善云

郝理

字秩源參議炯之玄孫舉貢恂之曾孫廩貢生翰林院待詔事母張氏以孝聞雍正十二年邑立普濟堂母欲施捨理卽捐地三十畝其先意承志類如此後官京師每切望雲之思以病歸易簀時年未滿五十人咸惜之子允潤年少醇謹時以爲孝行之報

徐昌文

庠生好義樂施捐地二十畝於普濟堂以養貧民

張士鴻

庠生璉之孫增生悅之子監生候選州同世傳忠厚不

敢少替凡親戚族黨有急難事悉竭力周全同里有爭競者必勸令和好又嘗捐地三十餘畝於普濟堂窮民賴之督院王公匾其門曰慕義足風

王凝熙

推官國楨子知府隆熙弟也以歲貢授博平縣教諭葺學宮課士子署高唐夏津東昌等縣學官俱修其職護理縣篆委賑濮州邱縣實心任事學使劉公以名重河汾額其署告歸終養士子思之立碑以誌焉

張介正

歲貢冠之子康熙甲子副榜任汶上縣教諭邑衿有強佔族田者縣委判決不徇請託一時稱平陞威海衛教授修葺學宮課督士子弟介禧篤志潛修遊其門者多

齊河縣志

卷之二十六

孝行

七

濟南中西美術印刷社承印

成名潘進士明祚沐教最深嘗倡族人置祭田數十畝祀先而外卽以給族人之婚喪無力者族多賴之

徐之禕

增生大志之子考授縣丞謙光可挹常以濟物利人爲心募修鄉塾敦請師儒成就後學自捐膏壤二十畝以供廩資有教諭宋燾記

訾汝道

元邑人父興卒居喪以孝聞母高氏性嚴厲汝道承順惟謹母嘗寢疾晝夜侍側不去一日母屏人授以金珠若干曰汝素孝室無私蓄我死此物非汝有矣可善藏之母令他兄弟知也汝道泣拜曰吾父母艱難起家今田宅已多罔極莫報尙敢私此以重不孝之罪乎母卒

終喪不禦酒肉性尤友愛二弟將謀分析以美田宅讓之弟早歿撫其孤如己子鄉人劉顯等貧不聊生汝道畀以田里中疫有食瓜得汗而愈者汝道卽多市瓜并攜米比戶饋之或曰疫能染人勿入也不聽然卒無恙又嘗出麥貸人至秋煌食稼人無以償汝道聚其券焚之縣令李讓請復其家

李趨庭 字宗魚明嘉靖間人賑飢恤難慷慨好義其行誼見諸墓表墓在龍光寺東

房迪 世居倫鎮里躬行有德之士也嘗有鄉人負官租將鬻妻以償迪捐所有代完之子三璿珍瑄

齊河縣志

卷之二十六

孝行

八

濟南中西美術印刷社承印

房璿 字齊之性孝友豁達好義曾焚千金券無德色卒之日里黨咨嗟泣下後以孫守士貴贈通議大夫有傳載藝文志

房泰亨 字豫陽廩生事親至孝克紹箕裘襲祖巡撫守士恩蔭官比部奉詔恤刑能清冤獄出復社名公巨卿數十人宰輔魏廣微惡之以他事廷杖歸田

王民望 字子瞻廩生散粟救飢患周里黨子四澤濡澤潛澤潤澤溉

王琮 鄉耆好善樂施積德不倦子二結綬結祉

徐綸 字湛如順治初庠生祖華封收養諸孤姪晚年命子孫

將田園室廬與諸姪均分綸承志爲家人開陳大義情辭懇惻以故男女長幼無間言子維屏庠生早卒維翰少服田疇老愛詩書樂與讀書人近里推長者歿三十餘年人猶思綸之遺教也

劉生夷

字恆山性仁慈樂善好施順治七年秋大饑散粟百餘石以濟窮之一鄉賴以全活邑令范公給匾曰爽鳩義士順治十二年邑令宋公舉爲鄉耆又給以匾曰齒德兼隆子孫守其遺訓書香不絕食廩餼列學校者同時十有餘人皆其樂善之報云

房韞昂

字皓公庠生性孝友治家井井有條日就豐殖至於好

齊河縣志

卷之二十六

孝行

九

齊南中西美術印刷社承印

行其德樂善不倦天性然也子象穎食廩餼象楚游泮水長孫東第由歲薦司訓萊蕪繼補濰縣次孫楹覺楹正曾孫宗岱俱列膠庠振振繩繩人以爲積德之報云

房爲櫓

字樸菴庠生父生芝早卒兄某自擇美產而以瘠者與之爲櫓不與爭兄產蕩盡爲櫓割田百畝以奉再罄再與無德色人以爲難

楊浩

字淵如節孝房氏子也生四歲父庠生永寧歿母子孤苦相依爲命浩事母先意承志克盡孝養援例入成均勤苦自立性好施捨捐貲重修邑北門樓及定慧寺祖居季寨迤西有趙牛河值秋水暴漲行旅苦涉浩出金

建石橋一座長清令任公額其門曰功在利涉邑令上官公亦以好善恤貧四字旌之子三人作棖監生作幹庠生作霖附監生孫嘉卉庠生至今書香不替云

房象顯

字岸山巡撫守士玄孫庠生韞昺子也秉質剛方篤志好學事母菽水承歡曲盡孝道母歿哀毀骨立兩舉優行壽不償德人咸惜之

馬紹禹

字德遠孝子朝才玄孫庠生綿祚長子綿祚爲人純厚邑令薛公常旌之以式閭里邑令吳公亦額其門曰言坊行表紹禹遵守庭訓克成令德事父母色養無間父歿哀毀盡禮事母益孝有事外出必告所之計道路遠

齊河縣志

卷之二十六

孝行

十

濟南中西美術印刷社承印

近定歸期雖風雨不爽歸卽登堂面母問起居視飲食母慰勞之命盥沐往往鞭猶在手也嘗登岱爲母祈壽值大風雪紹禹念母倚閭冒雪抵里迨母病劇委頓茵簣者年餘紹禹起臥榻旁洩溺親易不諉他人母歿經營喪葬遂遭羸疾與兩弟紹武紹周怡怡交勉遇人無長幼藹若春風終其身無爭訟族人有訟者勸以長恤幼卑敬尊無不冰釋族人或失禮鄉鄰訟將興紹禹知抵鄉鄰家爲謝事關財賄遽探囊代償之平生端介自持凡比暱褻嫚之狀無敢予以見者今子孫蕃衍蓋猶守其家風云

馬紹武

字興鑄監生性孝友父每諭以醇謹篤厚怡然聽愛身體力行居家飲食衣服讓美於兄勞事以身任之父命析產區宅爲三西則空園多塋塹量與木植使自創建而難其受者紹武自請構室居之父爲之喜處鄉里務退讓行坐必後長者至戚有貧乏者給與田畝使贍衣食雍正丙午夏小兒患口瘡多不愈紹武購方合藥遠近求者輒與之不取值救活甚衆予二人楫楫皆端謹孫槐龍年少能文邑令樊公奇之

馬紹周

字元公監生事親先意承志處兄弟克敦友愛父緇祚欲修張仙祠不果紹周心識之而力不及積二十餘年

齊河縣志

卷之二十六

孝行

一一

乃與諸兄弟共葺之事竣詣家祠焚香祭告語家人曰吾爲此非邀福也成父志耳妻姪張天秩貧且死遺孤不能存活紹周撫之成立爲娶妻壽生計佃戶程姓東阿人染病歿紹周以貲送其妻子歸又張姓移家至甫三日喪其父不能殯出貲助之族有爭訟勸之使歸人皆聽從長子樸監生次子樸郡廩生早卒婦父氏苦志守貞載節孝志季子植力田不懈孫曰龍允龍展龍垓龍皆克紹祖武云

徐密修

伍家莊人性至孝父元貞家曠嗜飲不務生計密修授徒爲供每自塾歸省值父酣醉侍榻前候醒始入私室

否則達旦不去父游學他省訪其行蹤不得朝夕涕泣
或勸應試密修曰古人父子之樂雖三公不易今劬勞
莫報安川微名爲哉及聞父在濟陽卽日隻身就道親
串憐其純孝各贈以金經兩閱月得父於濟陽之船廠
從容勸歸父以他鄉落窶匪錦衣寧死不歸密修不得
已仍覓館授徒以養父素嚴厲偶不當意輒怒詈密修
必慍色婉容致其悅豫而後安歷十三年父寢疾禱於
神請以身代父歿負骸肯歸歲修出門時年三十七爲
康熙六十一年比歸年已五十無子尋卒弟怡修以其
子永寧爲之嗣歲修妻李氏處士振紱女賢德善持家

齊河縣志

卷之二十六

孝行

一二二

齊河縣志卷之二十六

夫出尋父氏并日而食織作不俸家計漸曉爲弟怡修
授室所生二女擇士族嫁之今八十四歲尙無恙

馬和堯

字聖思緇祿長子增貢生例贈奉直大夫秉姿顯異制
行端方弱冠補博士弟子員有文譽父歿事母劉安人
尤孝謹凡濟人利物事母意所在必曲體以成之有妹
旣嫁而貧予莊一所腴田二頃使無衣食患己亥歲歉
出粟二百石以贖族人甲寅捐地九十畝銀三千兩於
普濟堂以養貧民又出貲助修大清橋倪倫河及買鄉
賢孟公祖孫墓前地不聽耕種以護賢壟冬月散給貧
者綿衣如是三年不改督院王公匾其門曰慕義足風

邑令上官公亦給以匾曰樂善不倦子可繼官戶部員外郎

馬紹舜

字重華綿祿次子候選州同知封朝議大夫治家躬率勤儉辨色卽起終其身無敢暇逸布衣蔬食淡泊自甘至於濟困卹貧往往傾囊不惜冬施衣粥歲以爲常有不能婚葬者出貲助之爲人樂易和平及見人過失未嘗不正言規勸訓課子姪尤嚴綿祿子四人紹舜最爲老壽晚年舉鄉飲大賓邑令萬公額其門曰耆德維型蓋實錄云子士達庠生早卒淳乾隆辛酉舉人刑部山西司郎中潤貢生戶部陝西司員外郎與弟紹孔爲嗣

齊河縣志

卷之二十六

孝行

一二二

濟南中西美術印刷社承印

孫瀛洲庠生雲龍廩生

馬紹文

字丹亭孝子朝才立孫也年十六爲諸生文章取法甚高不求人知比官鳳陽通判修學宮設義塾治聲大著委攝五河篆有以不能輸賦見擊者代爲輸而釋之邑民某因婚貧妄控其亡廉知亡者乃其弟子其婚三十金俾歸娶其婚借餘金爲小賈後竟成家監正陽鎮鈔禁胥吏侵蝕課溢於額悉以歸公不染錙銖正陽俗好停櫬每遇火遷移填途巷紹文爲捐立義塚諭令時葬復設火具以備不虞一夕火起望之稽首火尋滅人以爲至誠所感鎮有惡少恣爲不規逮治之其人悔悟卒

爲善督漕運革船丁陋規署六安州免編審例銀五百
餘兩一士以文字謁見數被款接後與窮民爭田訊之
理屈廷辱之不少假竟以前任所缺額解米挂吏議以
歸紹文事父母夙以孝聞父母卒柴毀扶杖泣不能成
聲事伯兄如事父同居子姪數十人雍雍無間言通醫
理求者必爲診視至老不倦卒年六十涂公錫禱爲之
傳長子淵另有傳併見藝文志次泓嗣弟紹孔季涵早
卒

馬紹孔

字魯生綿祿第四子候選州同知贈中憲大夫性至孝
執父喪哀毀盡禮不如葷酒者三年以母故絕意仕進

齊河縣志

卷之二十六

孝行

一四

濟南中西美術印刷社承印

捐修趙牛河堤費工千餘自是永無水患居人至今頌
德康熙六十年值荒歉出粟減糶以濟窮困乾隆二十
六年復以積粟數百石贖給族黨多所全活家居蒔花
種竹客至煮茗清談竟日不倦以此優游終身子泓太
學生潤官戶部員外郎另有傳

張士奇

附貢生家素裕知父鍾愛幼弟父卒盡以財產讓諸弟
力田養母人皆稱之

房象中

字凝山韞昉長子父母早逝諸弟婚娶惟己是任以此
貧困終身略無愠色子東第司訓濰縣遇覃恩貤贈修
職佐郎亦善人獲報之驗也

王熙光 字字正卿好善不倦痘疹尤精子三增埏大武

王繩武 庠生性孝友樂善不倦康熙甲申春饑散粟以濟里黨遠近多被其澤妻朱氏有賢聲壽近百齡子二宏立宏業

王廷銳 字邁先運光第七子名塚者之子也事孀姑孝居城市絕跡不履公門一日偶過市塵拾遺金袖不去俟其人至還之至於慷慨施與助娶賙饑義舉多類此子二長憲高早卒次大任庠生天性孝友兄無嗣以子英賢爲兄後

劉 櫛 字子素叔無子承父命爲叔後叔卒喪葬以禮事孀如齊河縣志卷之二十六 孝行 一五

濟南中西美術印刷社承印

事母三十餘年內外無間言

楊廷秀 字名實性坦直樂善好施嘗借壩於鄰獲銀三十餘兩即日還之遇米價平減竭力購貯歲歉以原價糶遠近稱爲長者長子馨郡庠廩生善承父志莊北有岔河一道行者病涉繫捐貲建橋至今利賴觀察中公以濟衆額旌之子孫蕃衍克繼書香咸謂積善之報云

任如斗 孝友端方克敦行誼父廷弼選授雲南白鹽井大使如斗將隨任父曰萬里之行有誤誦讀遂止之携一僕往未一載僕染瘴死廷弼旋解組如斗聞之偕同族二人往迎途間染瘴備極狼狽至黃河族人見河水洶湧懼

不敢渡並辭歸如斗隻身南行疾轉劇每疾作以馬韁繫手卧地踉蹌萬里竟奉其親以歸迨父母繼歿如斗蹙踊號泣死而復甦者再至今鄉里稱之

張介禧

歲貢冠之子教授介正之弟善體親心與兄介正怡怡友愛力學砥行不務章句晚年精醫理求者必爲療治遇貧苦更周恤之設立義塚捐貲掩骼訓子耕讀更以積德爲基嘗有多方積德權充富厚價收書不認貧之句所著有松窗偶吟邑令薛公贈以聯曰禮樂詩書作佃漁父兄子弟相師友邑令上官公額其門曰後學宗匠

齊河縣志

卷之二十六

孝行

一六

濟南中西美術印刷社承印

張級

字升階歲貢生贈修職郎少貧晝晝生計誦以夜達旦始止以故學有根柢肄業白雪書院所爲文遠近皆購誦之性沉靜不干外事遇大利弊輒身肩之如懇免里長輸催及請改輸德州漕糧歸於縣廩至今闔邑猶誦其德子二人長景載監生克承堂構義倉糴穀身先爲勸邑令宋公給以匾曰慕義足風次子景拭癸酉拔貢現任寧陽教諭孫昱乙酉舉人餘亦多列膠庠積德之報信非偶然云

張嗣隆

字百斯介正仲子以伯父介祉乏嗣因出繼焉少秉至性嗣母病侍湯藥兩易寒暑不稍懈歿後詳列苦節得

請旌表其於本生父母生事死葬盡禮無缺嗣母所出長姊家貧窘爲代置田宅俾無饑餒族中舊有塋田十六畝與族兄級盡心經理增至八十餘畝祭祀之餘卽以周給族人之貧乏者天資英敏十歲應試邑令鄧公奇其文有神童之目十五補庠生旋食餼累試高等獎掖後進至老不倦胞姪鶴齡族姪景觀景杕景良族孫昱或膺選拔或登賢書悉有賴於甄陶之力及秉鐸金鄉盡心訓迪以故士習克端文風丕振焉

馬淵

字清源通判紹文子也封文林郎翰林院庶吉士生數月母棄世鞠於祖母劉太安人比長事繼母克盡孝道

齊河縣志

卷之二十六

孝行

一七

齊河中西美術印刷社承印

紹文累攝州縣不名一錢淵往來省視綜理家政能得歡心紹文卒三年不飲酒食肉異母弟泓疾與同寢食者數月辛巳邑大水族人居華店鎮多窘困淵出粟周之更置倉糴粟得息盡以濟乏歲疫施藥救活多人捐貲修建廟宇橋梁不可勝數淵早補諸生帖括之外兼通子史爲督學徐公所獎賞諷使謁見竟不往徐公益重之晚年闢書院於城東南隅延師訓課子姪使務爲根柢不徒事章句蓋其好學之心無所發故寄之於此長子人龍辛巳進士官刑部山西司主事次子見龍出爲異母弟涵後官湖北安陸縣知縣其少者和龍猶龍